



11. ԾԱՂԿԱԾ ԲԱՆՉԱՆ

Ինքն ա, չինքն մին թաքավեր: էս թաքավերին ուրան պալատին առաջին մին մընծ, բարը-նուբարավ լիգյը, ժառերավ, ժաղիկներավ լիգյը բազ ա ինքն: էտ բաղը էնքան լավ, էնքան կյեղեցիկ ա ինքն, վեր անց կենդանին ժրեռքերնին ճըկատին տըրած, վեր արևը աշկըներնին ժրկծըկոտի վերչ, եշքն ին, եշքն էտ բաղին, էլհա քըշտանքն չին:

Վեր կյարուռքը յասամանին պընկընքն չա՛ր, վերտը աշխարքըս յոր ար օնքն: էն սիպտակ նան մանիշակի ունգյի յասամանին... Բա վարթե՛րը, ունգյ-ոնգյ կյեղեցիկ, ասիս լհա քաշովի յա՛, վերտը, էտ թաղա պեցված վարթերին վերտը, աշխարքըս օնքն ար:

Թաքավերը էնքան սկուպոյ ար, վեր ժրեռքին թըխիս կորեկ չար եր ընգնիլ, ժրեռքը՝ կարճ, լուզոն՝ էրգյան, հենց ար լհա տը՝ ժոխկի տըռնապահ ինի՛, հենց տըզտողընքն ար: էտքան բարեբան էտ դաղվածը վերչ ինքն ար օտընքն, վեր էլ թողընքն ար մին օրիշը օտի:

Մին հետ էլ մին ախկադ եկավ, մին բար օղից, ամա թաքավերը ասից. — Տու վիր պակա՛ս, վեր կյաս իմ բախչաս, բար օղիս օտիս:

էտ ախկաղը անեակ տըվավ, ասից. — Թող քու բաղըտ չուրանա, մին կանանչ ժառի հասրաթ մընաս, աշկըտ մընա մին բարի յրա:

էտ անեականը յերտը թաքավերին բաղը յավաշ-յավաշ տըղընքն ա, չուրանքն:

Թաքավերը կըզնււրմ ա, օզըմ ա, թա պըլանա, հրամայըմ ա էտ ախկագին փըռնին պըբրին ուրան կոշտը, վըբր կլոխը կըտրին, ամմա ծըռտտենքը հիշքան ման ըն կյամ, ճարըմ չըն: Քոռըփընշման հտ ըն տըբոնըմ, կյամ պալատը:

Թաքավերը շատ ա մեթկ անըմ, քնենքյ անըմ ուրան բազին հետի: Նա ուրան կոշտն ա կանչըմ մեծամեծներին, գիղնականներին, վըբր մին ճար, մին հընար անին, վըբր բաղը-բախշան կընանչի:

Ըտրանք խորուրթ արին, խելք խելքի տըվին, թա. — Թաքավերը ապրած կենա, վըբր օզըմ ըս բաղը-բախշատ կընանչի, բիդի մին ժամ շինիս, վըբր ըտրա նմանը սաղ աշխարքըմըս ինի վընչ: Ժամը շինելանը հտը նի մըննիս մեչը, աղոթկ անիս:

Թաքավերը լամ-լամ ուստոց կանչիլ տըվամ, մին շատ դամանգ ժամ շինիլ տըվամ, նի մըտամ ժամը վըբր աղոթկ անն, աղոթկին կընսըմը մին դուրուրթու աշկին ըրվաց, ասից. — Շինիլ տըված ժամը շատ դամանգ ա ուրան շենքավ-շընորքավը, ամմա մին պըբն պըկասըմ ա:

Թաքավերը օզըմ ա ըտրանա մին խորուրթ հըրցընի, մընթկը գլիդամ, ամմա դուրուրթուն աշկին առաշան կորչըմ ա: Թաքավերը շատ մըտածելանը հտը հրաման ա տամ, ժամը քանդին, թամանդան մին ըտրանա լամը շինին: Ըսկսըմ ըն ժամը շինիլը էնքան դամանգ, պըբցուր, էնքան լամ, քարերը լամ կուրուժավեր ինի, ասիս մին քամած պատկյեր ինի տական միշկ կըլոխ, վըսկըվարաղ, պըծըպածի ընելիս, վըսկե խաչըն էլ յրան:

Լամ վըբր շինըմ ըն, պըրծընըմ, թաքավերը նի յա մըննըմ, թա աղոթկ անի, վըբր բաղը-բախշան կընանչի, էլհա աղոթկին կեսըմը էտ դուրուրթուն ըրվըմ ա, ասըմ. — Թաքավերը ապրած կըննա, լոխ շատ լամ ա շինած, քարերը թընգլանոց, լամ տաշած, կըրուժավեր, վըսկե խաչըն էլ յրան, ամմա էլհա մին պըբն ա պըկասըմ:

էտ մոլնուտին թաքավերը ըտրա արմոնգան փըռնըմ ա, ասըմ. — Ա՛յ պարի ծերունի, ասի տըբսնամ հի՛նչն ա պըկասըմ, հի՛նչ ասիս, կանիմ, հի՛նչ օղիս, կըտամ, թամք լամ բաղը-բախշա կընանչի:

էտ ծեր մարթը հրաժարվից ամմեն հինշան, ասից. — Վըբր օզըմ ըս բաղը-բախշատ կընանչի, բիդի վըսկըշափաղ, էն լամ յըբրքող ղուշը, գամ բոլընը պըբրիս, տինիս բաղը-բախշըմըտ, վըբր յըբրքի, բաղըտ կընանչելու յա: Ամմա ըտրան պըրելի հետի շատ ըս չըրչարվելու: Ըտրան պըրողը պիտի անց կըննա չոր անապատեն:

րավ, տըժեր տըեղերավ, հըրեշներին մաշավը, մեյիղներին կըլխավը, սարավ, քոլավ, կյետավ, ծորավ: Ամմա լոխճան տըժերը զան բոլ-բոլին յըերք ասել ասլըն ա, վըեր յըերք ասից, դաստի բաղըտ կընանչելու յա: էտ դուրուլթուն ասըմ ա, էլհա կորչըմ:

Թաքավերը մընըմ ա մինակ մըտածմունքի մըեյի: Նա էնքան շատ ար մըտածըմ, քընեքյ անըմ, վըեր հավալ-մաշվալ ար, չոր չոփ տըեռալ, հըլավավը մին տեռալ:

էտ Թաքավերը իրեք տըղա օնար: Մըեծը նան միշնակը անըմ-նին խելունք ին եր ըրալ, ամմա պուճուրին կյիժ ին ասըմ: էտ պու-ճուրը սաղ օրերը խաղ ար անըմ էն գյդոտանցը, խխորցը նըհետ, սաղ օրը տոնսուն ար ինըմ, թակըմ, թակվըմ, թավիլ տամ, պըլը-կընդրիկի տամ, կըռեկ անըմ, հախտըմ, հախտվըմ, կյեփերը ճը-ղոտըմ: Իտի էլ մըծանըմ ա: Հարը կանչըմ ա իրեք տըղին էլ ուրան կոշտը, լոխ ասըմ, ուրան դարդերը նաղլ անըմ, բաղին չուրանալին հըետի:

Մըեծ տըղան ասըմ ա. — Ա' հար, մըեր չուրացած բաղը կը-նընչացնելի հըետի կողի հինչ ինի, կողի հըեռե տըեղ ինի, ճընա-պեքյն էլ փիս, յըես կըքյինիմ զան բոլթոլը պըերիմ:

էն էրկու ախպերքն էլ ըսեցեն. — Ա' հար, մունք հինչավ ընք պակաս, մունք էլ կըքյինինք:

Իտի Թաքավերին իրեք տըղերքը ուրանց գենքը-գըրահը, ճընա-պարին պաշարը յոր ըն օնըմ, իրեքան էլ ծի յըն նըստըմ, քյընըմ:

Քյընըմ ըն, քյընըմ, շատ ըն քյընըմ, խրեգյ ըն քյընըմ, շատ նան խրեգյը աստուծ ա դյուղըմ, անց ըն կենըմ հալա մարթի վըեննը չի կոխած տըեղերավ, հալա մարթի ծըեն լըսած վըեչ սարերավ, վըերչը հըսնըմ ըն մին տըեղ, ըշտըղան իրեք ճընապար ա տոնս կյամ: Ըտըեղ նստած ա ինուն մին պառավ մարթ: էտ պառավ մար-թին անա հըրցըփորց ըն անըմ, Թա էտ ճընապարնին ըշտըն"ղ ա տանըմ:

էտ պառավ մարթը ասըմ ա. — Ա'յ բալեք, առաչին նան էր-կունջի ճընապարնին պարի յա, ամմա իրեքինչինը շատ շառ ա, ըտըղավ անց կենողը ետ չի տըեռնըմ:

Իրեք ախպերքը տըես մըտածեցին, տըեն մըտածեցին, վըեր մըեծ նան միշնակ ախպերքը քյինին էն էրկու պարի ճընապարնե-րավը, ամմա պուճուր ախպերը քյինի էն շառ ճընապարավը:

Իտի էլ անըմ ըն: Մըեծ նան միշնակ ախպերքը ուրխանըմ ըն, վըեր իտի իլավ, համ ուրանց չի մին պըեն ինիլ, համ էլ էտ կյիժ ախպորըն անա կազադվին:

Իրեքան էլ ուրուի խոսկ ըն տամ, վրեր հու շնտ ետ տընոնա, ըտընդ ըսպասի էն մնացած ախպորցը: Ըտընդ ուրուի պարի ճընապար ըն ասըմ, ամմեն մինը ուրան ճընապարըն ա ընգնըմ:

Մընծ ախպերը քյինից, քյինից, վերչը հըսավ մին քաղաք: Ինքը ուրան մընթկ ըրավ, մընթկ, վերչը ուրան մընթկըմը ասից. «էլ հո՞ր ըմ քյընըմ, կլիսս բադի տամ, լմվըն էն ա ըստընդ մին կործի նի մըննիմ, ըստընդ էլ կըննամ»:

Միշնակ ախպերը քյինից, քյինից, շատ չըրչտրվից, շատ տըծերոթունի քաշից, վերչը մին քաղաքըմ մին մարթի տան ծառա նի մըտավ, ուրան պըրանը պըհելի հընտի:

Պուճուր ախպերը քյինից, քյինից, անց կացավ յաբանա շոլեր, քոլեր, անց կացավ անճանանչ տընդեր, էրգյան ճընապարնի, անց կացավ կյոնլու կազանավ լիքը ծըմակնի, ծորեր, քոլեր, վերչը հըսավ մին հենց վընդի, վընդ ունգյը կյարմուր ար: Էտ կյարմուր վընդավը քյինից, քյինից հըսավ մին մընծ ամարաթի, վընդ վընչ տոնըն ծներ, վընչ էլ ակուշկա:

Թաքավերին կուճի տըղան տես եշից, տես եշից, Թա տընսնա, հո՞ւ վա ըտընդ կըննըմ, պընն չի տընսավ: Բիրգան աշկին մին կյեղեցիկ ախճիգյ ըրվաց, ըրեքնական է՛լ իվիլ վառ:

Էտ կյեղեցիկ ախճիգյը ըրմացած եշից էտ տըղին, ասից. — Ա՛յ խընդճըկրակ, տու հո՞ւ վըս, վընդ ըստընդ ըս յընկալ, մեխկ ըս, շոնտ ըրա փախի, Թա չէ, էսա օշափը կյալու յա քյընդ կու տա:

Էտ տըղան ասից. — Հալա նրհտտ խոսալ չըմ, հալա կոշտտ ղոնաղ չըմ ընգալ, տոն ինձ վըխցնըմ ըս, դե նաղլ ըրա տընսնամ, բա տու հո՞ւ վըս, էս անտոնըն, անակուշկա ըրերթըմը հի՞նչ ըս անըմ:

Ախճիգյը նաղլ ըրավ, ասից, վընդ ինքը Թաքավերի ախճիգյ ա, կյերի յա ընգալ կյարմուր օշափին ծընոքը, վընդ կյարմուր օշափը ուրանց երգյիրը քանդալ ա, վըղըմոխըն շինալ, լոխ մարթկանցը կընրալ, էտ մարթկանց արոնան էլ էտ վընդը կյըմըմալ ա:

Թաքավերին տըղան ասից. — Յընս վընչ մին օշափա, պըննա վախըմ չըմ, յընս քյընդ պիտի ազադիմ էս օշափին ծընոքան, Թոդիմ վընչ մինակ, անգար: Ամմա խընթըրըմ ըմ ասի, Թա ըշտըղավ ա կյալու էտ օշափը:

Մին էլ տընսին աշխարքը գըղըրդաց, վընդը տընդան տոնուր եկավ, էն մընծ սարին կըլխան օշափը ըրվաց, փընչալավ-մընընչիլավ վընրսը առաչըն ըրած եկավ, բոնդան էտ տըղին տընսավ, մին ինդի ծեներ հանից, վընդ դուշ նան կազաննին սանան փախին, ուրանց կըլիսը ազադեցին:

էտ օշափը իտի կըտաղած ասից. — Էտ հո՞ւ վըս, հո՞ւնց ըս
ընգալ ըստընդ, անըմըտ հի՞նչ ա, ազկըտ հի՞նչ ա, գալիտ հո՞ւ վա,
ղորփեըտ հո՞ւ վա, հո՞ւր տըղա յըս, վըբը ինձանա վախտլ չըս,
եկալ ըս հըսալ ըստընդ:

Թաքավըբըին պուճուր տըղան ասից. — Յըբս քըբըդ համար
ըմ եկալ, վըբը քըբըդ փըչըցընիմ, քըբըդ ըսպանիմ:

Էտ խոսկեըքը լըսելալ օշափը կըտաղից, անընը կըլիսալը
տըվալ, աշկըբը կըբըմըրից, պըրանան կըրակ թափելալ յրա պըր-
ծալ էտ տըղին, թա կու տա: Էլհա աշխարքը գըղըրդաց, թոզը եր-
գլինքը հըսալ, էտ տըղան, էտ թոզըմը կորալ:

Օշափը գլիդանց, թա տըղան կորալ, թոզ տընուալ: Մին քանի
մուճուտանը ետը թոզը վըբը թըմըղվից, օշափը տընսալ, վըբը էտ
տըղան սաղ-սալամաթ էն ա կազնած:

Օշափը լափ կըտաղից, էրկուճի դոնըմը հիշքան օժ օնար, յրա
պըրծալ տըղին: Աշխարքըս տուրուր եկալ, թոզը իրիքնակին իրեսը
ծասկից, օշափը էս դոնըմըս էլ մըղափուճ եկալ էն տըղին, վըբը
թոզ տընուալ, վըբը ուրան պաժին չի մնաց, վըբը օտի: Էլհա մին
քանի մուճուտանը ետը վըբը թոզը քաշվից, տըղան սաղ-սալամաթ
ընդըդ կազնած ծըծաղըմ ար:

Օշափը իրիքնի դոնըմը ինգի՛ կըզնվից, ինգի՛ կըտաղից,
փըրփըրից, վըբը էլ ասվիլ չի, յրա պըրծալ տըղին: Աշխարքըս
թընդաց, ասիս լհա թոփըր ինի տըրըքտըքըմ, ըրոտըմ, թոզը
արեկն իրեսը ծասկից: Օշափը գլիդանց, թա էս դոնըմ տըղան թոզ
տընուալ, վըբը մըրթալըետ էլ չի մընաց: Մուտացալ վըբը վըետ
քաշի, տընսալ տըղան տեմացը կազնած: Օշափը մընաց մաթ մը-
նացած:

Թաքավըբըին պուճուր տըղան ետ տընուալ, ասից. — Դե մը-
հեկ նոքաթը ի՛մն ա, մըհեգլ յըբս պիտի քըբըդ ճըթըփըղուր անիմ,
մըծծ պատառըտ անգուճըտ թողիմ, պոճըթ տամ, պեմքակ կլիգիմ:

Ասիլը նան սորալը թըխիլը մին իլալ: Օշափը եր ընգալ,
սատկից: Էտ տըղան ըտրա անգուճնին կըտոըրից, եր կալալ, տարալ
էն ըխճըկանը նշանց տա, վըբը էտ ախճիգըր գլիդան, հըվատա վըբը
օշափը սատկած ա:

Էտ ախճիգըր վըբը տընսալ, ուրխացալ, ընգալ տըղին խըտետը,
պըչպըչորից, ասից. — Դե մըհեգլ եք փըսակվինք, վըբը տու ինձ
ազազեցիր:

Էտ տըղան ուզի չի կացալ: Ասից. — Յըբս հալա մին նըպատակ
օնիմ, միչե էտ նըպատակը կադարիմ վըբը, փըսակվելու չըմ, վըբը

էլ տոնն ըմ քլընանլու: Յրես հալմ բիգի քլինիմ զան բուլբուլը պըբրիմ,
վըբր մըբր բաղը, բախչան կընանչի:

էտ ըխճըկանը աշկը վախից, վըբր էտ տըղան ինգի փիս ճընա-
պարնեբրավ պիտի քլընի, վըբր քլընացողը ետ չի կյամ:

Տըղան էտ ըխճըկանը սըբրտ տըվավ, վըբր վախի վըբչ, արխային
ըրավ, ասից. — Տու ըստըեղ կաց, միչև յըես կըկյամ, քլըեզ յոր
օնիմ, քլինիմ:

Տըղան էլհա ճընապար ընգավ, քլինից:

Քլինից, քլինից, ընգավ փիս-փիս տըեղեբր, հըսավ մին ռանգյը
սըեվ վըեղի: Քլինից տըեսավ մին պըեցուր ամարաթ, ակուշկեքյը
տըռնեբր փակ:

էտ տըղան ամարաթին գըրբըղան պըեց ըրավ, նի մըտավ,
տըեսավ մին շատ կյեղեցիկ ախճիգ ըրվաց, հուկցը մին պըլլորած
լուանընգյա:

էտ ախճիգյը վըբր տըղին տըեսավ, շատ տըխրվից, ասից. — Ա՛յ
տըղա, տու հո՛ւ վըս, ըշտըեղա յըս եկալ, էս ա սըեվ օշափը կյալու
յա, շո՛ւտ ըրա փախի, թա չէ, քլըեղ կու ա տալու: Կողի կյարմուր
օշափին ղազաբան անց ըս կացալ, ամմա սըեվ օշափը ընդրա նըման
չի, մին օզգյա բաբաթ ա, հըեռաց, քլինի... Տու կարիլ չըս ինձ շո՛նա,
կյուլա, օշափա աղագիս...

էս վըբր ըստի յա ասըմ, թաքավերին պուճուր տըղին քլեփին
նի յա կյամ, ասըմ ա: — Ա՛յ նախշուն ախճիգ, հալմ ինձ ղոնաղ
չըս ըրա՛լ, հալմ մին քախժըր խոսկ չըս ասա՛լ, ինձ ծըբր օշափավը
վըխցընըմ ը՞ս: Դե հո՛ւնց անիմ, ջըհանամը թա սըեվ օշափը կկյա,
ինձ օտի, գյոռը, իստիբուշաղը, մին օր ծընվալ ընք, մին օր էլ
կմըեռնինք: Մինակ նաղլ ըրա, թա տու հո՛ւ վըս, կըլորտ հինչ ա
եկալ, օշափը ըշտըղավ ա կյալու:

Ախճիգյը լաց ինիլավ նաղլ ըրավ, վըբր ինքյը թաքավերի ախ-
ճիգ ա, օշափը եկալ ա ուրանց երգյիրը քընդըքար ըրալ, Ակուտի
շինալ¹, ժողովուրթին կըտորալ, ուրան էլ պըբրալ ըտըեղ կյեբի:

էտ ախճիգյը թաքավերին տըղին մըբխկըն ա կյամ, ասըմ ա.
— Ա լուանընգյա ախճիգ, լաց մի ինիլ, յըես քլըեզ կազադիմ, մի-
նակ մին խըրեկ հաց տո օտիմ, շատ ըմ սոված:

էտ տըղան, էտ ըխճըկանը մեխկըն ա կյամ, տանըմ ա ուրան
կոշտը, ուտըցընըմ, նըհետը զուրուց անըմ: Մին էլ ա տըեսըմ ամա-
րաթը տըեղան տուրուր եկավ:

¹ Հիշատակություն Արարատի հրաբխային ժայթքումից տուժած Ակուտի գյու-
ղի մասին (Մ. Բ.):

էտ տրդան զարմացած հըրցըրավ. — Էս հի՞նչ պընն ա, էս խե՞յա ամարաթը տընդան տո՛ւրո՛ւր կյամ...

Էտ ախճիգյը վախից տըղտողալավ ասից, թա. — Էտ օշափըն ա կյամ, եք քընեզ կողլը կըցընիմ:

— Կողլը կըցընիլըս վըն՞ըն ա, վախիլըս վըն՞ըն ա, յըես լհա՛նդրա հետի յըմ եկալ:

Օշափը վընը եկավ էտ տըղին տընսավ, կըտաղած ասից. — Տու հո՞ւ վըս, ըշտեղա՞ն ըս եկալ, իտի համարծակ ըտընդ կաղնա՞լ: — Յըես եկալ ըմ քընեզ ըսպանիմ, անոնըտ խըմիմ:

Մընվ օշափը վընը տընսավ էտ տըղան էտ հունարին տա՛ր ա, ասից. — Մընը անոնը իստի. յա. առաչ դոնաղին հացը ըն տամ, ուտուցընըմ ըն, խըմըցընըմ, քըշընը պահըմ, էն մին օրը նըհետը կըռընվ անըմ:

Ըտրանք իտի էլ անըմ ըն, օտըմ ըն, խըմըմ, թեք ընգնում, թա քոն ինին:

Մընվ օշափին քոնը տանըմ չի՞, մըթկըմը ասըմ ա. — Էս վընը իմ ախպոր, կյամո՛ւր օշափին հախտալ ա, կարող ա ինձ էլ հախտի, լանվըն էն ա, եր կըննամ էս քըշընը ըտրա կըլոխը օտիմ:

Թաքավերին պուճուր տըղան յաման գյիտկան ար, խափիլը տըժեր, դաստի կըլխու ընգավ օշափին մընթկը: Ամարաթը վընը էլհա տո՛ւրո՛ւր եկավ, էտ տըղան եր թըռավ տընդան, սորը հանից, յըրա պըրծավ օշափին, հենց թըխից, վընը կըլոխը տընդան թըռավ:

Աշխարքըս ասիս լհա՛ դինշացավ, լուսավերվից: Ըտրա անգուճնին էլ կըտորից, տարավ էն ըխճըկանը նշանց տըվավ: Էտ ախճիգյը վիզանըն ընգավ, պըշպըշորից, կըլոխը սըղալից, ասից. — Եք փըսակվինք, մին տընդ ապրինք:

Տըղան էտ ըխճըկանն էլ մընեժից, խոսկը կոտորից, քըշացավ էտ ամարաթին քաշի առածին, հիշքան փըռնած հեյվաննի կար, աղա՛գից: Ըտրանք ուրխացած քյանցին ուրանց պուճներ: Ետավ ըտընդ մին քանի օր մընաց, էլհա ճընապարի պաղրաստոթուն տընսավ: Վընը էտ տընսավ, ըխճըկանը քյեփը կոտորից: Տըղան նաղլ ըրավ, վընը ինքը նպատակի օնի, բիդի քյինի զա՛ռ բուլըռը պընրի, վընը երթի, ուրանց բաղը-բախշան կընանչի:

Վընը էտ լըսից, ախճիգյը վախից, օղից թա սընրտը ճաքի, վընը տըղան օղըմ ա կըլոխը բադի տա: Տըղան եշից վընչ, եր կացավ ճընապար ընգավ:

Շատ քյինից, թա խըրեգյ, անց կացավ շատ փիս-փիս տընդերավ, մըթեն ծըմակներավ, խոր-խոր ծո՛րերավ, պեցուր սարերավ,

վրերը ընգնել մին սիպտակ վրեզ, մին խրեզ էլ քյինից, ըտրան առաջը եկավ մին սիպտակ ամարաթ, մարթի կրլխի վրեսկուռնեբըա շինած: էտ ամարաթին դրրըզան պըեց ըրավ, նի մըտավ, տըեսավ մին շատ դաշանգյ ախճիգյ, արեին լուսան էլ իվիլ լուս տըվող, ընգրան շըենքը-շընորքը իրեսկըհատը մին օրիշ պըեհ:

էտ ախճիգյը վրեր էտ տըղին տըեսավ, կըլոխը շոռ տըվավ, օղից թա եր ընգնի, ասից. — Ա՛յ տըղա, ըստըեղ հի՛նչ ըս անըմ, հո՛ւնց ըս եկալ էս օշափնեբին երգյիրը, դե շուտ ըրա ետ տըեռ, թա չէ սիպտակ օշափը կյալու յա քյըեզ օտի:

էս խոսկեբըր էհա տըղին քյեփին նի եկավ, ասից. — Ա՛յ ախճիգյ, հալա ինձ ղոնաղ չըս ըրա՛լ, հալա պարյօր-ասծուպարին չըս ասա՛լ, ինձ տուս ըս անըմ: Ինձ վըխցընըմ ըս սիպտակ օշափավը: Լալըն էն ա, նաղլ անիս տըեսնամ տո՛ւ. հո՛ւնց ըս ընգնլ ըստըեղ:

Ախճիգյը Լալ ինեկավ նաղլ ըրավ, վրեր ինքը թաքավերի ախճիգյ ա, ամմա էտ սիպտակ օշափը եկալ ա ուրանց երգյիրը պըրիշակ ըրալ, լոխճին կըտորալ, ուրան էլ կյերի եր կալալ: էտ ախճիգյը տըղին մըեխըր եկավ, ասից. — Յըես Լալ ըտրա հըետի յըմ եկալ, վրեր ըտրա կըլոխը պուք տամ, քյըեղ աղագիմ, իմաց տո, կյա, կըռեկ անինք:

Տըղան շատ սոված ար, մին Լալ հաց կըերավ, քըշտացավ:

Մին էլ տըեսին սիպտակ օշափը կյամ ա մըրթմըրթալավ, լընգլընգալավ, ըրօրվեկավ: Ամմեն վըեննը փոխելիս տափը տուրուր ար կյամ:

Եկավ նի մըտավ տոն, չորս ղոլան վըետ քաշիլավ ասից. — Փո՛ւհ, էս հի՛նչ մըրթավետ ա կյամ, էս հո՛ւ կա ըստըեղ:

Վեր տըղին տըեսավ վե՛չ արծակ-համարծակ կաղնա՛ծ, շատ ըջըղվից, փընթփընթաց, ասից. — Տու հո՛ւ վըս, հո՛ւնց ըս ընգնլ էս ղոլեբըր:

Թաքավերին պուճուր տըղան ասից. — Եկալ ըմ քյըեզ նըհետ կըռեկ անիմ, քյըեզ ըսպանիմ:

էտ դըը մըտածից, ինքը ուրան նըհետ մըսլըհաթ ըրավ, վրեր էտ տըղան ուրան էրկու ախպորը ըսպանալ ա, ունգոնը ա եկալ ըտըեղ հըսալ:

Ընդրանք տուս եկին, վեր տուսոմը կըռեկ անին: Նորաթը էտ օշափինն ար: Նա ուրան ախպորցան էլ իվիլ օժավ ար: Իրեք հըետ քյեցավ-յըեկավ թըխից, ամմա տըղան անփորց աղաղվից: Նորաթը հըսավ էտ տըղին: Նա ըսկսից սորը օշափին կըլխին խըղըցնիլը, օշափին ըսպանից, ընգրա անգուճնին կըտրից, տարավ էտ ըխճըկանը կոշտը:

Ախճիգը տընսավ, ուրխացավ: էտ տըղին վիզավը փըթաթվից, ասից. — Մըհեկ, յըես քոնն ըմ, տու՝ իմը, եք փըսակվինք:

Իրեք օր տըղան մընաց ըտընդ, մին լավ դինշացավ, մին օր էլ հացի նըստած թառանշ քաշից, տընդան եր կացավ, ասից. — Յըես քընըմ ըմ:

— Ըշտըն՝ ղըս քընըմ: Քյինիլ մի, յըես առանց քընդ կարիլ չըմ:

— Յըես նպատակ օնիմ, պիտի կաղարիմ, քընըմ ըմ զան բուլբուլը պըերիմ, վըեր յերքի, մըեր բախշան կընանչի:

Ախճիգը վըեր լըսից, շատ վախից, վըեր տըղան կըլիսը բադի կըտա, վըեր ըտընդ քըննցողը էլ ետ չի տընըմ: Տըղան կոխկըհաստոթուն ըրավ: Ախճիգը տընսավ վըեր տըղան ուրան ասածի յա, սըվըրցրավ, թա հո՛ւնց պիտի զան բուլբուլը պըերի՛:

— Կըքյինիս, շատ տըժըրոթուննի կքաշիս, ամմա մըհալ չի տինիս, տըժըրոթուննին կըկյա՛, անց կենա: Հարկավեր ա համփերոթուն, խըելք, արկաթե ջան: Կըհըսնիս մին մըեծ դուզ տընդի յրա շինած մին մըեծ ամարաթի, պեց տընները կըծասկիս, ծասկած տընները պեց կանիս, հըսնիս թաքավերին օթախին: Թաքավերը քոն իլած ա ինելու, յավաշ-յավաշ կը պըտըռիս զան բուլբուլին օթախին պիլանին, տոռնը պեց կանիս, դուշը յոր օնիս, տուս կյա՛ս, կյա՛ս:

էտ տըղան, հինչ վեր էտ ախճիգը ասալ ար, լոխ կաղարից:

էտ դարոնմը աման զոլա հարալ տըվին. — Հա՛յ, հարա՛յ տարի՛ն, հա՛ տա՛րին, փըռնեցի՛ք:

էտ տըղան վեչ մին պենի եշից վեչ՝ շոտ ըրավ, առանց ետ եշելի զան բուլբուլը ժըեռքին եկավ էտ ըխճըկանը կոշտը:

Ախճիգը տափան միչև երգյինք ուրխացավ, աշխարքըս ուրանը տընսավ, փըթաթվից էտ տըղին վիզավը, կոլավըն ընգավ, պըշպըշորից:

Ըտընք խոսկը մին արին՝ մինտեղ քյինին տըղին հայրենիքը: Լոխ հարուստոթունը՝ վըեսկեն, առծաթը եր կալին, օղտերը պեռնեցին, քյեցին:

Քյեցին, քյեցին, շատ քյեցին, թա խրեգյ քյեցին, հըսին սըեվ աշխարքը, ըշտեղ էտ տըղան սըեվ դեին սպանալ ար, էն մին ըխճըկանը ազադալ: Ըտեղ էլհա լոխ հարուստոթունը եր կալին, իրեքավ հըգեիլին:

Շատ քյեցին, թա խրեգյ քյեցին, հըսին կյարմուր դեին աշխարքը, ըշտեղ էտ տըղան սպանալ ար կյարմուր դեին, էն մին ըխճըկա-

նը աղաղալ: Ըտեղ էլ լոխ հարուստութունը եր կալին օղտերը պեռ-
նեցին, քեցին:

Մին խիլլա վախտ էլհա քեցին, հրսին համին էն տըեղը, ըշ-
տեղ ախպորցն անա պըժանվալ ար:

Ըտեղ էլհա էն պառավ մարթը նստած ար:

Թաքավերին էտ պուճուր տըղան հըրցըրավ.— Ապե՛ր, բա իմ
ախպորցաս վեչ մինը եկալ չի՞: Ախեր մուռք պայման ընք կապալ,
վեր հու վեր շուտ կյա՞, րստեղ սպասի, մինչև էն մինուռքն էլ կյան:

էտ պառավ մարթը տըեղան տըմբըհան իլա՞վ, ասից. — Զէ՛,
բալա, եկող չիլա՞:

էտ տըղան թա. — Ապեր, դե վեր իտի յա, էս ըխճըկերքը թո-
ղիմ քըշտիտ, էս վըեսկավ, անկյին քարերավ պեռնած օղտերը լոխ
թողիմ քըշտիտ, յըես քիինիմ իմ ախպորցը հետան, տըեսնամ հի՛նչ
տըեռին, տըեսնամ ընդրանց կըլոխը հի՛նչ եկավ, ճակատնին վե՛ր
սարի, վե՛ր քարի նի եկավ:

Ասըմ ա, հըղե ինու՞մ: Ճընապարին հարցըփորց ընեկավ քի-
նու՞մ ա, քիինու՞մ, հըսնում ա մին տան, ընդեղ ղոնաղ ընգնում:

Ըտեղ հըրցըփորց ա անըմ, թա հո՞ւնց քիթնի ուրա՞ն ախպորցը:

Տընատարն ասըմ ա. — էտ պենը մինա՞կ մին թա՛հրա՞վ կարող
ըս գիղա՞ս: Բեղմա քիինիս ժամին տըռանը մին մատաղ մորթիս,
լոխ դարիբներին կանչիս, մատաղը պըժանիս, բալքաս ընդրանց
մեչին էլ քու ախպերք ինին:

էտ տըղան քիինում ա, ըտըղան մոտիկ մին քաղաք կար, անըմը
Շուշի-Ղալա, ըտեղ էլ մին մըեծ ժամ կար, Ղաղանչեցունց ժամ ին
ասըմ, ընդեղ էտ զա՞ռվա՞րա՞ղ խաչերավ ժամումը տես եշից, տեն
եշից, րտրա էտ պեցո՞ւր կամարներին եշից, լափ էն պեցո՞ւր կմբե-
թին եշից, տըեսավ յղոնեգնին ընդեղ պուտուտ-պուտուտ ըն
կյամ, լոխ էլ սիպտա՞կ:

Ասից. — Ա՛ յղոնեգնի՛, տըեսնաս իմ ախպորց տեսալ չըք հու:

էտ յղոնեգնեռան մինը լու՛զու՛ առավ, ասից. — Թաքավերին
պուճուր տըղա, տու քու ախպորցըտ քըթնելու յըս, ամմա վա՛յ
քու կլոխըտ:

Գյըրա՞գյի օր ար: Ժողովուրթը ժամը լիգյը:

Վերչը էտ տըղան մատաղ ա մորթում, ժամհարին նըհետ մին
տեղ իփում, ուրա՞ն ժըեռքավ մըեսը լավաշին մեչին տնում, կընդ-
կընդ պըժենում:

Մատաղը պըժանելին վերչումը էտ տըղին միշնակ ախպերք

եկավ, վեր Շուշի-Ղալա քաղաքումը ծառայութուն ար նի մտալ Հարունանց Տանիյելին քըշտին:

Պուճուր ախպերը վեր ըտրան տըհսավ խտետըն ընգավ. պըշպըշորից, հըըցըփորց ըրավ, գլիդանց հունց ա, հունց չի, հտավ քլինեցին միշնակ ախպորը խազայինին կոշտը, վեր ըսսշոտ յոր օնին:

— Իմ ախպոր փողը տո,— ասից պուճուր ախպերը,— հանշիւր վերչացրու, մունք քլինըմ ընք:

Խազայինը ասից. — Դե հի՞նչ ըմ ասըմ, օզըմ ըս եր կալ: — Ասըմ ա պըթնըմ, փողը հաշիւ անըմ ծըեռքին տինըմ:

Պուճուր ախպերը միշնակ ախպորը տարավ Շուշի-Ղալա քաղաքին մեծ մագազինին ման ածից, ամլ-ամլ շորեր առավ կյեց տըվավ: Ետավ ինք նան միշնակ ախպերը ճընապար ընգին, քյեցին մեծ ախպորը ճարեցին, իրեքավ հըղե իլին դիրի էն ըխճըկերքը:

Վերը էրգյան ճընապա կյանանը հտը հասին ընդեղ, ըշտեղ թողալ ին օղտերին քյարվանը, մին էլ ըխճըկերքը: Պուճուր ախպերը լոխ նշանց տըվավ, լոխ նաղլ ըրավ: Մեծ ախպերը նախանձից օզըմ ար թա տրաքվի, վեր ըխճըկորցը պաժին ըրին, էն լոխճան պուճուր, ամմա լոխճան կյեղեցիկ ախճիգյը պուճուր ախպերը եր կալավ, գան բոլըբոլը ծըեռքին:

Ըտրանք ճընապա ընգին ուրանց քյարվանի նըհետ: Շատ ար տաք, ծարավը մարթ ար ըսպանըմ: Շատ քլինանը հտը հըսին մին կյետի:

Ըտեղ մըեծ ախպերը թա. — Եկիք լըղանանք:

Քյարվանը առաջ ընգամ, ուրանք մնացին, լըղացին:

Ըտեղ մեծ ախպերը հտ տըհռավ միշնակ ախպորը թաքուն ասից. թա. — Եք մըեր պուճուր ախպորը կյետըմը խեխտինք, գան բոլըբոլը մունք տանինք տանք մըեր հոր:

Միշնակ ախպերը ռազի չի կացավ, ասից. — Լան էն ա, վեր վըննը-ծըեռքը կապինք, աշկերը հանինք, թողինք էս կյետին ղրաղին, մունք քլինինք:

Ըտրանք իտի էլ ըրին:

Վեր հըսին քյարվանին, էն ըխճըկորցը կոշտը էտ ըխճըկերքը թա. — Պա հո՞ր ա ծըեր պուճուր ախպերը:

Մըեծ ախպերը թա. — Բա ասիլ չը՞ք, կյետըմը լըղընալիս վախտը ճիրըմը խեխտվից, կրեցինք վեչ, թա ազադինք, վա՛յ-վա՛յ մեր պուճուր ախպեր,— սըտըսոտ ուրանց ծընգները թակեցին մեծ նան միշնակ ախպերը:

էտ ըխճըկերքը շատ լաց իլին, առո՛ւ շատ լաց իլա՛վ լոխճան պուճուճ, լոխճան կյեղեցիկ ախճիգ՛յը, զա՛ռ բո՛ւլբո՛ւլը ծըեռքին, ամա՛ա դե էլ ըշտե՛ղ...

Թաքավերը լսալ ար, վեր էն ա տըղերքը կյամ ըն։ Մեծ պաղ-րաստոթունա՛վ, նա՛ղիր-վա՛ղիրներա՛վ, մըեծամըծներա՛վ տո՛ւս ա կյամ ըտրանց առա՛շ։

Սաղ քաղաքը վըեննի յրա ար, լոխ օզըմ ին տըեսնան զա՛ռ բո՛ւլբո՛ւլին, լոխճան շատ էլ Թաքավերն ար օզըմ տեըսնա, վըեր տինին ո՛ւրա՛նց բախլըմը, երք ասի, բախլան կընանչի։

Ամա՛ա վեր Թաքավերը տըեսա՛վ պուճուճ տըղան կա վե՛շ, շատ զարմացա՛վ, քար կըտրից Թա. — Պա հո՛ր ա ծըեր պուճուճ ախպերը։

Մըեծ նան միշնակ տըղան պաղասխանեցին Թա. — Ա՛ հա՛ր, բա ասիլ չը՛ս, լըղանալիս վախտը ճըրրմը խեխտվալ ա՛։ Էս ըխճը-կորցը մինը իմ կընեգյա ա, մինը՝ միշնակ ախպորս, էս մինն էլ, էս՝ իրեքինջինը քըլեզ հետի ծառա յընք պերալ։

Էն պուճուճ ախճիգ՛յը Թա. — Սոտ ա, սոտ ըն ասըմ։

Թաքավերը ըտեղ մին պեն կլխու ընգա՛վ, տըխըրվից, ամա՛ա անց կացա՛վ ուրա՛ն իսկական ցավին, վեր զա՛ռ բո՛ւլբո՛ւլը երքի, բախլան կընանչի։

Նա կանչից ուրա՛ն տըղորցը, Թա. — Դե պերիք զա՛ռ բո՛ւլբո՛ւլը մըեր բախլան, վեր երքի, բախլան կընանչի, համ էլ ըսեցեք տըես-նամ հո՛ւ վա պերալ զա՛ռ բո՛ւլբո՛ւլը։

Մեծ ախպերըն ասըմ ա. — Յըես ըմ պերալ։

Միշնակը Թա. — Չէ, յըես ըմ պերալ։

Հա՛րը մըեծ տըղին ասըմ ա. — Դե վեր տու վըս պերալ, ասի վեր երքի։

Մըեծ տըղան հիշքան անըմ ա, զա՛ռ բո՛ւլբո՛ւլը երքըմ չի՛։

Հա՛րը մհեգյ էլ միշնակ տըղին ա ասու՛մ. — Թա տու վըս պերալ, ասի զա՛ռ բո՛ւլբո՛ւլը երքի։

Միշնակ տըղան հիշքան չըրչարվըմ ա, ամա՛ա զա՛ռ բո՛ւլբո՛ւլը երքըմ չի՛, տուխուր նստած ուրա՛ն զա՛ռ բո՛ւլբո՛ւլը, վե՛շ օտըմ ա, վե՛շ խմըմ, օրանցօր մաշվըմ ա, տըեսնըմ մին պըճրուանք։

Մըհեգյ խոսինք, տեսնանք հի՛նչ տեռա՛վ Թաքավերին պուճուճ տըղան՝ վեննըծեռքը կըպկըպոտած, կյետին դրաղին եր քըցած։

Անց ա կենըմ մին քանի օր, բիրդա՛ն էտ կյետին ճըրերին Թաքու-հին տո՛ւս ա կյամ կյետան, տըեսնըմ էտ տըղին։ Վեր իտի տըես-նըմ ա, մեխկըն ա կյամ, ծըռքըվեննը պեց ա անըմ, աշկերը տինըմ ուրա՛ն տըեղը, անմահական ճու՛ր քըսըմ, էտ տըղին լըվըցնըմ։

Տըղան օղըմ ա, թա շունրակալ ինի, մին էլ ա տըեսնըմ ճըրերին
թաքուհին ընդեղ չի՛, աշկա կորալ ա՛:

Թաքավերին պուճուր տըղան շարունակըմ ա ուրան ճընապան,
դիրի ուրան հորը քաղաքը, նի հըսնըմ ըտեղ, ամամ տըկլոր ինելին
դարդան հըմանըմ ա քյինի հորը պալատը:

Նա մին հարուստ մարթի տան ծառա յա նի մըննըմ, ճուր
կըրըմ, փեդ կոտորըմ, մին թահրավ կըլոխը պահըմ:

Մին ամիս անց կընալանը ետը էտ քաղաքը մին դըլմըղալ ա
ընգնըմ, ժողովուրթը ըսկըսըմ ըն մին պենի հետի պաղրաստվիլը:

էտ տըղան զարմացած հըրցընըմ ա ուրան խազեյինին անա,
թա տա հի՛նչ պեն ա:

Խազեյինը ըշղըմ ա էտ տըղին յրան, ասըմ. — Հիմմար, էշի
կըլոխ, բա հալա գլուդում չը՞ս, Սիպտակ թաքավերը եկալ ա ուրան
դոշունավը շադիրնի եր թողալ քաղաքին շորս դուլավը, օղըմ ա
զառ բուլբուլը ետ ինք օնի՛, համ էլ օղըմ ա զառ բուլբուլը պերող
տղին տըեսնա:

էտ տըղան համարծակ, առանց քաշվելի ասըմ ա. — Էս սըհա-
թըս քյինի թաքավերին կոշտը, ինձ համար մին ծըեռք լավ շոր պեր,
մին էլ մին լավ ծի: Ցըես կըքյինիմ Սիպտակ թաքավերին շողաբը
տամ: Խազեյինը ասըմ ա. — Դե ծենտ կտրի, տու հի՛նչ ըս, վեր
հալա քյինիս Սիպտակ թաքավերին օշափներին նըհետ կըռեվ անի՛ս:

էտ տըղան շուտ ա անըմ, քյուշան տուս կյամ, տըեսնըմ էն ըն
ժողովուրթը ուրուրոցավ ընգած, ուրան մըեծ ախպերն էլ ծի նըս-
տած քյինում ա Սիպտակ թաքավերին օշափներին նըհետ կըռեվ անի՛:

Նա կըգնըցըմ ա ախպորը ծին, ասըմ. — Տու եր եք, յըես եր
ինըմ, քյինիմ կըռըել:

Թաքավերին մեծ տըղան ըտրան կուփի յա տամ, եր քըցըմ,
ինքը քյինըմ, տըեսնըմ քաղաքին շորս գուլը սիպտակալ ա շադիր-
ներան:

Ղարավուլլիքը վեր ըտրան տըեսնըմ ըն, հըրցընըմ ըն, թա
ըշտեղ ա քյինըմ:

Ղարավուլլիքը նշանց ըն տամ Սիպտակ թաքավերին շադիրը:
Տա քյինիմ ա նի մննըմ թաքավերին շադիրը, կլոխ տամ մինչև
տափը, ասըմ. — Թաքավերը ապրած կըենա, յըես ըմ թաքավերին
տըղան, յըես ըմ պերալ զառ բուլբուլը:

Սիպտակ թաքավերը ասըմ ա. — Դե վեր տու վըս, ասի տըես-
նամ զառ բուլբուլը հո՛ւնց ըս պերալ, հո՛ւնց ըս համարծակվալ,
եկալ իմ թաքավերոթունը:

Տղան նաղլ ա անըմ, ասըմ. — Ըսկի հունց, եկի ծըեր երգչի-
րը, նի մտի ծըմակը, ծառին յրիցը եր կալի զան բոլբոլը, եկի՛:

Սիպտակ թաքավերը տըսավ, վեր տա չի զան բոլբոլը պերողը,
ասից. — Տու չըս զան բոլբոլը պերողը, քինա ռադ իլ ըստըգեր-
օան, թա օզըմ չըս կլիստ պուք տանք: Համ ասըմ ա, համ էլ հրամ-
մայըմ գյադոցը ըտրան մին լավ թակըմ ըն:

Միշնակ ախպերը տըսնալավ վեր մեծ ախպերը ճարթըփու-
շուր իլած ա եկալ, հորն ասըմ ա. — Ա՛ հար, յըես քըեզ ըսեցի
վեշ՛, վեր յըես ըմ դուշը պերալ, յըես էլ կքինիմ պադասխան կը-
տամ:

Տա զենքը զրահը յոր ա օնըմ, ծի նստիմ, կյամ Սիպտակ թաքա-
վերին կոշտը: Ճընապարին էլհա պըտահըմ ա պուճուր ախպորը,
ուրուր ճընանչըմ չըն, էլհա պուճուր ախպերը խնթըմ ա, վեր ծին
տա ուրան, ինքը քինի Սիպտակ թաքավերին պադասխանը տա:
էտ վախտը միշնակ ախպերը ըտրան մին լավ թխից ուրան դամ-
շավը, ծին քըշից: քինից, հըսավ Սիպտակ թաքավերին շադիրին,
նի մըտավ, կըլիս տըվավ թաքավերին, ասից. — Յըես ըմ թաքա-
վերին տըղան, յըես ըմ պերալ զան բոլբոլը:

Թաքավերն ասից. — Դե վեր տու վըս, նաղլ ըրա, տըեսնամ
հունց ըս պերալ զան բոլբոլը իմ աշխարքաս, վեր օցն ուրան պոռ-
տավը, դուշն ուրան թեավը կարըմ չի, թա նի մըննի՛:

Տըղան ասըմ ա. — Նի մըտի ծըմակը, ծառը պըցրացի, դուշը
ուրան պունան հանեցի, պերի:

Սիպտակ թաքավերը էլհա թունդըմը ըըդվից, մի լավ սիլլա
տըվավ էտ տըղին, սոտ ըոելի հետի: Տըղին օշը տարավ, եր ընգավ:
Մին թահրավ իրեսին ճուր շաղ տալավ ետ պերին:

էս դոնըմ Սիպտակ թաքավերը անունը աշկերը կալած, կըտա-
ղած հրամմայից, ասից. — Մին սըհաթ վախտ ըմ տինըմ, թա դուշը
պերողին դըրկիք: դըրկիք, թա չէ: քարը քարին յրան չի մնալ էս
քաղաքըմը, մին շունչ չի մնալ, լոխճին կըկըտորիմ:

Խաբարը կյամ ա հըսնըմ էս թաքավերին, ժողովուրթը ըսկը-
սըմ ըն լացըկոծ անիլը, փախուտը:

Թաքավերին պուճուր տըղան փեդ ար կուտրատըմ, վեր տեսավ
ուրան խազեյինը օզըմ ա փախչի, հըցրավ, ասից. — էտ հի՛նչ ա՛
պըտահալ, էտ խե՛ փախչըմ ըք:

Ըտեղ խազեյինը յրան կըզնվից, հրամմայից թա. — Շուտ ըրա,
տու վէլ մին տեղ կյոզը կաց, թա չէ Սիպտակ թաքավերը էս ա մեր
աշխարքը օրան-վերանա յա անելու, լոխճին կուտուրելու յա:

Տըղան ուրան խաղեյինին սըերտ տըվալ, ասից. — Քյինա թաքավերին կոշտը, ասի մին ծըեռք շոր, մին ծի, զենքը-զրահ տա, յընս քյինիմ պաղասխանը տամ:

Հտեղ խաղեյինը թունդըմը ըջըղվից ըտրա յրա, շալա-քոնլան հվաքից, փախալ:

Հտ տըղան լոխ վեր իտի տըեսալ, որոշից ինքը քյինի թաքավերին կոշտը ծի, զենք յոր օնի, քյինի Սիպտակ թաքավերին ջողարը տա:

Իտի էլ ըրալ, խոնարվից, կլոխ տըվալ, ասից. — Թաքավերը ապրած կենա, ինձ մին ծըերք շոր տո մին ծի, զենք-զըրահ, յըես քյինիմ Սիպտակ թաքավերին պաղասխանը տամ:

Թաքավերը հտ տըղին անա մնաց արմանք զարմանք տարած, անգուճին հրվատաց վեչ, մին էլ մըթկըմը ասից թա՝ ջըհաննամը, բալքաս դոնգ ա ասըմ:

Ետ տըեռալ հտ տըղին, թա. — Դե վեր իտի յա, քյինի տու հավան կաց ծիյին, շորերին, զենք-զըրահին, կյեց, ծի նըստի, քյինա:

Հտ տըղան, թա. — Դե վեր իտի յա, թաքավեր, քու առաջիտ մին պայման ըմ տինըմ: Թա կարեցի պաղասխանը տամ, տու մին քանի օր թաքավերոթունըտ պիտի ինձ տաս, յըես դաղաստան օնիմ մին քանի մարթկանց նըհետ, իմ ծըեռքավըս պիտի կադարիմ:

Թաքավերը ոազի յա կըենըմ:

Տըղան հաքնըմըմ ա, ծի նըստըմ, քյինըմ Սիպտակ թաքավերին կոշտը: Հտեղ դարավուլչոցը անա հըրցըփորց ըրալ, գյիդանց, թա ըշտեղ ա ընգրա շադիրը, ծին քըշից, հըսալ ըտեղ, նի մըտալ, առանց կլոխ տալի առաջին կաղնից:

Թաքավերը ըտրա յրան ըջըղվից, ասից. — Տու հո՛ւ վըս, վեր իմ առաջիս կըլոխտ խոնարըմ չը՛ս:

Հտ տըղան թա. — Յըես զան բոնլբոնլը պերող տըղան ըմ, էս քաղաքին թաքավերին պուճուր տըղան, կըլոխս յոր չօնըմ, վեր քու առաջիտ խոնարիմ, թա կըռըեմ ըս օզըմ, աշկիս յրան, կըլոխս յրան, եկ կըռըեմ անինք:

Սիպտակ թաքավերը ըջըղվից, ուրան թըփըհարից, ասից. — Դե վեր իտի համարծակ ըս, պատմի տեսնամ հո՛ւնց եկիր իմ երգյիրըս, հո՛ւնց դուըը պըերիր:

Տըղան լոխ նաղլ ըրալ: Սիպտակ թաքավերը համոզվից, վեր էտ ա պերալ զան բոնլբոնլը: Ըջըղվից, օղից թտ տըղին ըսպանի, մին էլ ասից. — Դե վեր իտի յա, հոնցը պերալ ըս, ինդի էլ տար տիր ուրան տեղը, թա՝ չէ, ծեր երգյիրը տըկըկլոխ կանիմ:

էտ խոսկերքին յրան տըղան ժըծադից, հտավ ինքը ուրան հըվաքից, նետը սազ ըրավ դիրի թաքավերը, յրա ըրավ: Թաքավերը մին պենդ կյոռուաց, եր ընգնավ:

էտ կյոռուցը վեր դոշունը լըսից, ըսկսից փախչիլը, ըշտըղան հկալ ար, քյեցավ ընդեղ:

Խաբարը հըսավ թաքավերին, վեր էն տըղան ըսպանալ ա Սիպ-տակ թաքավերին, աղաղալ ժողովուրթին:

Թաքավերը մըեծ պաղրաստոթունավ, պաղարկաներավ քյի-նըմ ա էտ քաշ տըղին առաչը, յոր օնըմ կյամ պալատը:

էտ վախտը տըղան թաքավերան հըրցըրավ, թա. — Ճընան-չը՛մ ը՛ս ինձ:

Թաքավերը թա. — Չէ՛:

Տըղան թա. — Յրես քու տըղատ ըմ, քու պուճուր տըղատ:

Թաքավերը մաթ մնաց, կըլոխը շոռ տըվավ, օգից, թա եր ընգնի՛: Մին էլ օշը կըլոխը հըվաքից, ասից. — Դե վեր տու իմ տըղաս ըս, եք զան բուլբուլը խոսիլ, երքել տո, վըեր մըեր բախչան կընանչի:

Տըղան քյինաց էն օթախը, ըշտեղ դուշն ար, ընդրան ղանփա-զիցը հանից, կըլոխ տըվավ ընդրան, խընթրից, վըեր երքի:

Ձան բուլբուլը թըփհարից թեերը, օրախ-օրախ ըսկսից երք ասիլը:

Բախչան կընանչից, օթը լանցավ, դուշերը ըսկըսեցին երքիլը:

Թաքավերը ուրխացավ, խտտից ուրան տըղին, ասից. — Դե վեր տու իտի քաշ ըս, իմ տըղաս ըս, ինք առ իմ թաքավերոթունըս քյըեզ, հինչ օզըմ ըս, ըրա:

Տըղան հորը կահը եր կալավ, ըսկսից ուրան կըլխավը անց կացածը նաղլ անիլը:

Կողի խընթրալ ար, վեր թաքավերոթունը ուրան տա, ուրան ախպորցը դիվանը անի՛, ամմա մին էլ խղճաց ընդրանց, ասից.

— Ա՛ հան, քանի վեր ընդրանք ինձ սաղ ըն թողալ, յրես էլ ուրանց սաղ կըթողի՛մ, խընթըրմ ըմ հրամամալիս, վեր էս երգչիրան հեռա-նան, ուրանց խոխա-րախան յոր օնին քյինին:

Իդի էլ իլանվ: էտ օրվանից թաքավերին էրկու տըղերքը հեռա-նըմ ըն էտ երգչիրան, թա ըշտեղ ըն քյինըմ, հանլ միչև մըհեզ էլ խանթըր չիկա:

Սաղ աշխարքըս էտ օրվանից կընանչից, ծաղկից, ժողովուրթը ուրխացավ...

Թաքավերին պուճուր տըղան փըսակվից էն լոխճան պուճուր, լոխճան կյեղեցիկ ըխճըկանը նըհետ: Սխտը օր, օխտը քըշեր հըրսա-

նիք ըրին։ Ըտրանա ետը տըղան մնաց ուրան հորը կահին, ըսկսից
երգչիըը լտվ կառավարիը։ Ուրան ժողովուրթին նըհետ րախտավեր
ապրիը։

Երգչինքան իրեք մըեծ, տեղին ոանգչի, մին դուըն էլ կյամմոր
շավթավի եր ընգավ. մինը՝ ասողին, մինը՝ լըսողին, մինն էլ՝ կար-
թողին։

